


重修嘉魚縣志

地 260.117  
34  
: 124




乾隆二年丁巳歲

嘉善縣志

重修付梓

嘉魚縣

嘉魚縣志圖




嘉魚縣圖



屬全圖

嘉魚縣志圖



重修嘉魚縣志序

自古循良之吏不以催科  
爲能而以風教爲先一方  
之風教載在志書者類無  
不深切而著明也由一邑  
推之一郡由一郡推之九

序一

州以至薄海內外食毛踐  
土之域雖貞淫奢儉之異  
俗剛柔燥濕之異地人事  
物理萬有不齊然隸朝廷  
之版章服朝廷之政教同  
倫同軌無不可作一邑觀

也我

國家重熙累洽休養生息職  
方所紀海隅日出無不被  
以聲靈登之掌故然莫不  
自一邑始是一邑者天下  
之積也則一邑之志願不

序二

重哉無如前人守缺遺文  
多在散失之餘後來積薪  
當事不無表章之責此邑  
志一書一修再修之不容  
已也嘉魚夙稱望邑余自  
承乏茲土覽其山川按其

人物見夫故家遺俗之流  
傳名賢鉅公之偉績烺烺  
炳炳照耀寰區稽之舊志  
多有未備且自康熙十年  
而底自此以後六十餘載  
深沐

序三

聖朝之德化涵濡薰陶其間端  
人正士節義流芳諒自不  
乏若不早爲采輯以將湮  
沒無聞良可慨也第鹿鹿  
俗吏日事簿書未敢親操  
鉛槧致嘆遺珠邑人李好

魯膏余乙酉同年其同  
學王生雲音亦庠中者宿  
也乃折柬招致之委以纂  
輯凡分卷者八撰綱者十  
其條析而以類從者視舊  
志增十之六書成授之梓

序四

仍以蕪辭弁之蓋聞古者  
太史陳詩布納賈以觀民  
之好惡今其事既不可追  
而彙之於志則民俗之淳  
漓吏治之得失通邑之廢  
興利害悉於是乎稽故考

封域而知設險之重觀營  
建而思經始之難小東大  
東賦役之繁興宜慎也上  
庠下庠學校之培養宜先  
也順風土所以植民生謹  
秩官所以司民命選舉昌

序五

風雲之路廣矣人物盛川  
嶽之氣靈矣藝文富金石  
之音播矣至於釋老者流  
亦附見以備觀覽因之潤  
色休明布昭

聖化未必無小補焉雖彈丸災

木之蓄無足重輕而採風  
問俗者或資之則今日之  
志庶可待作者於無窮也  
是為序  
皇清乾隆二年丁巳歲仲夏月  
上浣之吉

序六

勅封文林郎知嘉魚縣事加一  
級紀錄一次河東張其維  
謨



原序

嚴江李元震撰

邑之有志所以記山川之靈秀風俗之  
貞淳人物之端良文章之好尚沿革興  
廢忠義節孝之典俱於焉而悉載也予  
承

簡命秉篆南嘉夙夜兢兢勤政求賢採風

原序

李一

問俗庶務必親百度漸舉緣值奇荒履  
畝躬省極之窮山僻壤得諸目擊固知  
嘉魚良稱醇邑山川都麗風俗渾樸人  
物文章夙秉先型彬彬乎咸有士君子  
之行焉而沿革興廢忠義節孝之事自  
古迄今未易殫舉但按邑之志書自正  
統己巳歲為前宰莫寔威先生所手識

此後幾三百年修葺之舉寂然無聞且  
今止餘繕寫一冊予深恐日久廢弛茲  
冊或又為蠹魚侵蝕無徵不信將何考  
訂噫近代以來豈盡乏人何無懷根本  
之慮而聽一邑大典竟湮沒不傳淪落  
於荒烟蔓草已乎遂使記載者無從紀  
勝陳詩者尚有遺議嘉亦文獻名區重

原序

李二

梓之役烏容已也雖然蒐囊太濫則考  
核難精推畧益遠則瓊瑜失實予實不  
敏予何以膺茲重寄惟是風典是程新  
型是問而增所未備訂所未確是刻也  
或得諸題名捫字於斷碣殘碑之上或  
選諸著述採傳於先民耆彥之中既不  
敢專見執已恐有師心妄作之譏尤不

敢瞻顧徇人恐有築舍道旁之議既不  
敢因訛傳謬恐有魯魚亥豕之疵尤不  
敢汎攬博收恐有汗牛充棟之累母繹  
母遺適於至當力圖告竣以繫茲一邑  
之鉅綱云爾然予於是重有念矣予蒞  
任三月以來人情習尚地方良楛洞諸  
心胸但見觴洲鎮之郵亭衝僊有事勤

原序

李三

劬六溪口之羽雁酸辛徐圖生聚宣化  
一十二里之水旱頻仍饑饉洊至籌時  
者催科何術撫字維艱盱衡補救慘澹  
經營然則當今之時較昔之志江山無  
恙韻蹟猶存頓覺有勞逸盈虛豐歉之  
異予何以使勞者還逸虛者還盈歎者  
還豐使吾民熙熙皞皞共遊於太和宇

宙間是予之願也夫是予之責也夫

原序

李四



原敘

明姑蘇莫震

粵攷成周之制職方氏既掌天下之圖而邦國四方之志則小史外史實領之是郡邑之有圖志其來尚矣蓋志之所見王道存焉一代政教於是可攷不徒取以爲虛文也嘉魚圖志洪武永樂中嘗奉文修纂意當時迫於期限之嚴未免遺逸識者病之正統丙辰教諭廬陵

原序

莫一

劉池蘊嘗爲訂校江西金谿教諭李滄朝宗捐貲鉅梓可謂備矣然其敘事旣不能無詳略之殊紀載亦不能無遺漏之失覽者重有慨焉震自正統辛酉奉命來知縣事到今凡八年矣耳之所聞目之所見足跡之所踐履者亦頗知其一二於是不揣愚陋暇日因搜訪故事及以舊志重加補訂較其訛駁芟其繁

蕪若水利儲積之闕則補之職役公  
之略則詳之科貢而著其出任之由名  
宦而錄其已成之蹟迺若古今名公巨  
卿四方文士詩文足爲是邑之黼黻者  
備收錄之自建置沿革以訖於雜志詩  
文凡二十六提要區別成類各以小序  
弁諸首分爲三卷雖文不逮於事事不  
周於時然凡一邑古今事跡視諸前志  
似覺少備其於檢閱之資庶或有助於  
萬一於戲管窺蠡測不量甚矣掛一漏  
萬之失尚有望於博識洽聞大君子

修志姓名

總修

勅封文林郎知嘉魚縣事加一級紀錄一次河東張其維  
校閱

江西泰和縣知縣改署嘉魚縣儒學教諭加一級郭林  
嘉魚縣儒學訓導袁若安

纂修

舉

人

李懋泗

生

員

王士璈

嘉魚縣志

修志姓名

叅訂

進

士

程珏

採輯

舉

人

周琢

廕祀

生

李正常

生

員

甘珠

汪懋灝

龍士鼎

監修